



1 November 2017
1 November 2017
P.U. (A) 337

WARTA KERAJAAN PERSEKUTUAN

FEDERAL GOVERNMENT GAZETTE

PERATURAN-PERATURAN PERBADANAN INSURANS DEPOSIT MALAYSIA (TERMA DAN SYARAT KEANGGOTAAN) (PINDAAN) 2017

MALAYSIA DEPOSIT INSURANCE CORPORATION (TERMS AND CONDITIONS OF MEMBERSHIP) (AMENDMENT) REGULATIONS 2017

DISIARKAN OLEH/
PUBLISHED BY
JABATAN PEGUAM NEGARA/
ATTORNEY GENERAL'S CHAMBERS

AKTA PERBADANAN INSURANS DEPOSIT MALAYSIA 2011

PERATURAN-PERATURAN PERBADANAN INSURANS DEPOSIT MALAYSIA
(TERMA DAN SYARAT KEANGGOTAAN) (PINDAAN) 2017

PADA menjalankan kuasa yang diberikan oleh seksyen 37 dan perenggan 209(1)(a) Akta Perbadanan Insurans Deposit Malaysia 2011 [*Akta 720*], Perbadanan, dengan kelulusan Menteri, membuat peraturan-peraturan yang berikut:

Nama dan permulaan kuat kuasa

1. (1) Peraturan-peraturan ini bolehlah dinamakan **Peraturan-Peraturan Perbadanan Insurans Deposit Malaysia (Terma dan Syarat Keanggotaan) (Pindaan) 2017**.

(2) Peraturan-Peraturan ini mula berkuat kuasa pada 2 November 2017.

Pindaan peraturan 2

2. Peraturan-Peraturan Perbadanan Insurans Deposit Malaysia (Terma dan Syarat Keanggotaan) 2008 [*P.U. (A) 314/2008*], yang disebut “Peraturan-Peraturan ibu” dalam Peraturan-Peraturan ini, dipinda dalam peraturan 2 dengan menggantikan takrif “pegawai kanan” dengan takrif yang berikut:

‘ “orang penting yang bertanggungjawab” ertinya orang penting yang bertanggung atau bertanggungjawab bagi pengurusan dan pengawasan suatu institusi anggota dan hendaklah termasuk orang yang berikut atau orang yang menjawat atau bertindak atas apa-apa jawatan itu dengan apa jua gelaran disebut:

- (a) pengarah institusi anggota itu;
- (b) anggota Jawatankuasa Syariah institusi anggota itu;
- (c) ketua pegawai eksekutif institusi anggota itu;

- (d) orang yang mempunyai kuasa untuk membuat keputusan yang menyentuh keseluruhan atau sebahagian besar daripada perniagaan institusi anggota itu atau orang yang mempunyai pengaruh besar dalam pembuatan keputusan itu;
- (e) orang yang terutamanya bertanggung atau bertanggungjawab, sama ada bersendirian atau bersesama dengan orang lain, bagi melaksanakan dan menguatkuasakan polisi dan strategi yang diluluskan oleh lembaga pengarah institusi anggota itu;
- (f) orang yang terutamanya bertanggung atau bertanggungjawab, sama ada bersendirian atau bersesama dengan orang lain, bagi membangunkan dan melaksanakan sistem, kawalan dalaman dan proses bagi mengenal pasti, mengukur, memantau atau mengawal risiko institusi anggota itu; dan
- (g) orang yang terutamanya bertanggung atau bertanggungjawab, sama ada bersendirian atau bersesama dengan orang lain, bagi memantau kewajaran, kecukupan dan keberkesanan kawalan dalaman, pengurusan risiko dan pematuhan sistem dan proses institusi anggota itu, dan termasuk ketua juruaudit dalaman, ketua pengurusan risiko, ketua pematuhan, ketua pegawai kewangan, dan aktuari yang dilantik atau yang menandatangani.’.

Pindaan peraturan 3

3. Peraturan 3 Peraturan-Peraturan ibu dipinda dengan menggantikan perkataan “batasan” dengan perkataan “had, standard, syarat, kod”.

Peraturan baharu 3A

4. Peraturan-Peraturan ibu dipinda dengan memasukkan selepas peraturan 3 peraturan yang berikut:

“Pematuhan standard berhemat dan Shariah

3A. Suatu institusi anggota hendaklah mematuhi standard yang terpakai bagi institusi anggota itu mengenai—

- (a) perkara berhemat sebagaimana yang ditentukan oleh Bank Negara Malaysia di bawah seksyen 47 Akta Perkhidmatan Kewangan 2013 [Akta 758] dan seksyen 57 Akta Perkhidmatan Kewangan Islam 2013 [Akta 759]; dan
- (b) perkara Shariah sebagaimana yang ditentukan oleh Bank Negara Malaysia di bawah subseksyen 29(1) dan (2) Akta Perkhidmatan Kewangan Islam 2013.”.

Pindaan peraturan 4

5. Peraturan 4 Peraturan-Peraturan ibu dipinda—

- (a) dalam nota bahu, dengan menggantikan perkataan “**Dana dan aset**” dengan perkataan “**Modal dan likuiditi**”;
- (b) dengan menggantikan perkataan “Suatu institusi anggota” dengan perkataan “Tanpa mengehadkan keluasan peraturan 3A, suatu institusi anggota”;
- (c) dengan menggantikan perkataan “dana modal yang tidak terjejas oleh kerugian dan aset cair” dengan perkataan “modal dan likuiditi”; dan
- (d) dengan menggantikan perkataan “kehendak” dengan perkataan “standard”.

Penggantian peraturan 5

6. Peraturan-Peraturan ibu dipinda dengan menggantikan peraturan 5 dengan peraturan yang berikut:

“Amalan perniagaan dan kewangan yang kukuh

5. Tanpa mengehadkan keluasan peraturan 3A, suatu institusi anggota hendaklah mempunyai amalan, proses, polisi dan prosedur pengurusan risiko, tadbir urus korporat, tadbir urus Shariah, jika berkenaan, dan kawalan berhubung dengan operasinya yang wajar, berkesan dan berhemat dan menyokong pengurusan kukuh berkenaan dengan kedudukan kewangan, perniagaan, hal ehwal dan aktivitinya.”.

Pindaan peraturan 6

7. Peraturan 6 Peraturan-Peraturan ibu dipinda—

- (a) dalam nota bahu, dengan menggantikan perkataan **“Pegawai kanan”** dengan perkataan **“Orang penting yang bertanggungjawab”**; dan
- (b) dengan menggantikan perkataan “mengambil kerja pegawai kanan” dengan perkataan “menggaji atau melantik orang penting yang bertanggungjawab”.

Pindaan peraturan 8

8. Peraturan 8 Peraturan-Peraturan ibu dipinda—

- (a) dalam subperaturan (1), dengan memasukkan selepas perkataan “Suatu institusi anggota” perkataan “, anggota penerima deposit dan anggota penanggung insurans”;
- (b) dengan memasukkan selepas subperaturan (1) subperaturan yang berikut: